

Guangjisi Minzcu Bau

ganbbau: CN45-0036 B.2015 Nd.4 Ng.22 liggaueq ietfeih nienz ndwensam coseiq

广西民族报

(壮文版)

主办:广西区民语委

出版:广西民族报社

出版周期:逢星期三出版

出版期数:总第3170期

Siengcouh Yen Guh Hozdung "Sam Nyied Sam Bouxcuengh" Youh Lai Youh Ndeiyawj

象州县“壮族三月三”活动丰富多彩

Bineix duenh gvaq ciet "sam nyied sam Bouxcuengh", Siengcouh Yen doenggvaq gawjbanh baenz buek hozdung hawj vunlai gvaq ndaej angqyangz, swncien le vwnzva minzczu, hawj daengx yienh gak minzczu cungj ndaej angq gvaq ngoenzciet minzczu.

Vih cujcz nem guh ndei baez hozdung neix, youq sam nyied co, Siengcouh Yen couh comz senhconz, minzczu, vwnzdij, lijyouz daengj

bumwnz, doengzcae okmaez ok-rengz, gietdingh dawz baez ciet neix banh baenz aen ciet vunlai caemh gvaq youh miz minzczu nem dangdieg daegsaek de.

Duenh guh hozdung de, aen yienh neix aeu senhconz cwngecw nem banh minzczu vwnzdij hozdung guhdaez, youq ndaw yienhsingz aen veicangz daez de gawjbanh minzczu cwngecw fazgveih senhconz camdap fuzvu hozdung, minzczu genswnhcau

byaujyenj, comz eu Fwencuengh, vwnzyi vanjvei, baijok siengben minzsuz, doxdax guh diyzuz minzczu mizyinx daengj. Youq Majbingz Cin aen veicangz iq de gawjbanh doxdax eu Fwencuengh, guh hawfwen Fwencuengh, byaujyenj gofoux siujbinj ndawbiengz, doxdax guh diyzuz minzczu mizyinx, guh diuz gai gijgwn ndei daengj. Doengzseiz gak yanghein, gak hidungj hix guh hozdung.

(Veiz Veimingz/韦卫明)

SIUSIK DINJ

简讯

● Bi' gvaq, Gunghcwnz Yauzczu Swciyen guh 18 aen suiqli hanghmoeg, caizcwn ok 114 fanh maenz daej ciengj-bouj, moix aen yangh(cin) ok 10 daengz 20 fanh maenz, hengzguh "aeu ciengj lawh coengh". Bi-gvaq daengx yienh gungh guh sat suiqli guding roengzcien 1.2695 ik maenz.

(Coh Binjsiuh Liuz Ciz-sungh)

● Bineix geiqdoh daih' it, Cauhbingz Yen lijyouz gungh souhaej 10.8 ik maenz, doengzbeij gyalai 21.25%, gungh ciepdaih hekyouz 105.8 fanh vunzbaez, doengzbeij gyalai 14.81%.

(Liuz Feih)

● Vih gyarengz hawj vunz-lai ndaem haeuxyangz henjgim, razbag daengj gij canjyez dajndaem miz daegsaek de, gaenh bi daej, Bahmaj Yauzczu Swciyen doenggvaq lai cungj fuengsik, mienxfei fat ceh haeuxyangz nem lwgrazbag hawj vunz lai, dazyinx gyoengqde gya guh dajndaem. Bineix, aen yienh neix gaeng gungh mienxfei fat ceh haeuxyangz nem lwgrazbag hawj vunz diegbya Sihsanh Yangh, Dunghsanh Yangh daengj, gij ceh neix gungh dij 100 fanh maenz.

(Suh Suiningz)

● Daj bineix daej, Lungz-swn Gak Cuz Swciyen gawjbanh le 20 lai geiz lajmbanj vunzhong lawh hong cizey ginwnz beizyiban, son' gyauq guhcaz, dajcawj, denhgung, hongranz daengj conhyez ginwnz, bangcoengh nungzminz dangdieg lai ndei ra hong cauxhong, hawj gyoengqde ndaej youq dangdieg beizyin.

(Veiz Gizyangz)

● Bineix geiqdoh daih' it, Denhdwnj Yen caizcwn gungh souhaej 8017 fanh maenz, doengzbeij gyalai 58 fanh maenz, gyalai 0.7%.

(Cinz Vwnzswng Vangz Lilanz)



Ningzmingz: Bouxcuengh Yauzczu Doengzcae Angq Gvaq Ciet "Sam Nyied Sam"

宁明: 壮瑶同胞共迎“三月三”

4 nyied 15 hauh, Ningzmingz Yen Dungzmenz Yangh Guhnanz Cunh Mbanjmijgangh, Mbanjliengzlingz, Mbanjnazcau sam aen mbanj Yauzczu neix 300 lai boux Yauzczu nem Bouxcuengh dangdieg itheij, daenj ndangdaenj minzczu, doxcomz youq Mbanjmijgangh, guh doiq fwen gwn "ngaiz bak ranz" daengj gij hozdung vunz lai maij, gij mizyinx, miz daegsaek de, angq gvaq ciet "sam nyied sam". Ndaw doz dwg vunz dangdieg cingq gwn "ngaiz bak ranz".

(Coh Yizangh/周贻刚 ing)

Bingzgoj Yen Cienzmienh Guh Sat Hanghmoeg Cienzngaenz Fazcanj Saujsu Minzczu

平果县全面完成2014年度少数民族发展资金项目建设

Bi' gvaq, Bingzgoj Yen ceng ndaej gij cienzngaenz fazcanj saujsu minzczu gungh 60 fanh maenz, cujyau aeu daej guh bu roen suiyniz ndaw cunh ndaw mbanj, gizdieg guh saujsu minzczu vwnzdij hozdung

daengj 7 aen hanghmoeg, neix hawj 4 aen yangh(cin) 6 aen mbanj 5000 lai vunz ndaej souh' ik. Ging-gvaq ndaw yienh minzczugiz, caiz-cwnggiz, sinjgigiz, gijveij youq gizdieg hanghmoeg daengj bumwnz

cug aen genjcaz ndaw yienh 2014 nienz gij hanghmoeg cienzngaenz fazcanj saujsu minzczu, 3 nyied daej gaeng niemhsou sat lo, caemhcai ndaej yungh.

(Bingzgoj Minzczugiz/平果民族局)